



ヤ 4
1433
2



174
1433
2

和蘭醫方纂要卷之二

病門目次

咽喉腫痛

醒京健

感冒

喘急

咳嗽

胸脇痛

附肺藏嫩痛

心跳動

乳

勞瘵

附肺病



91-1946

吐血

不食 附胃虛

胃痛

胃癰

消渴

嘔吐 附惡心 吃逆 吐糞

和蘭醫方纂要卷之二

美濃 大垣 春齡菴江馬元弘 譯

咽喉腫痛

咽喉腫痛有二證所謂內與外也內也者謂腫痛發於食管筋者其證焮痛不可忍呼吸不利妨礙嚥下言語蹇澁粘唾流出壯熱如燒耳中騷鳴其脈沈數且使患人開口則見其赤爛所痛之處也又外也者謂腫痛發於氣管筋者其證呼吸促迫熱痛喘鳴妨礙嚥下劇熱煩悶面色赤其脈數不均且使患人開



口視咽喉不見赤爛所痛之處也

脾痛發於食管筋者輕易治又發於氣管筋者重難治

喉痛不可忍呼吸不利視咽喉不見痛處者惡候也

腫發外面且隨腫而痛散者吉兆也

內外腫痛其腫忽散呼吸短促妨飲下者甚危

腫痛漸減胸中煩躁左脇引痛者變成肺癰之候也

血實或膽汁過多之人必發此證婦人則少男子則多

男子則痔血閉塞婦人則月水留滯者多易發咽痛

勞力作強或向烈風步或讀書發音或嗜歌謠音樂等之人多

易發咽喉腫痛

就咽喉腫痛既有發痘之徵則須施刺絡浴腳法或以引降劑

點足心引降劑見附錄

治咽喉腫痛赤爛妨飲下

薔薇花 防風 大麥 各三錢

右水煎一二沸瀉過飲服

又方

荳蔻菜 桔梗 各四錢 砂糖 二錢

右水煎瀉過飲服

又方

甘草 八錢

右水煎瀉過和白芥子末二錢荳蔻菜舍利別四錢飲下

又方

咽喉腫痛

白蜜 八錢 雞子白 二箇

右和勻投滾湯一茶碗飲下

又方

薔薇花露水 二十錢 香橙自然汁 十錢

明礬 二錢為末

右攪勻含嚥任意

治咽喉腫痛呼吸不利粘唾流出

車前草露水 薔薇花露水 各十二錢

明礬 二錢為末 甘索筆栗麻篤 二分

右攪勻飲下

又方

蜀葵根 八錢 無花果 三顆

右水煎瀉過和蜜八錢焰硝末四錢飲服

治咽喉焮痛氣急煩躁妨飲下

鬼茉莉根脂 牽牛脂 各六分六厘 酒石鹽 三分

右和勻白湯點服若不得下藥汁者須施次水銃方其方

海水 六十四錢 白蜜 六十四錢 膽八樹油 八錢

右件攪勻以水銃射咽中

治咽喉腫痛太渴引飲不欲食

接骨木花煎汁 九十六錢 焰硝錠 二錢 白膽礬

鉛白砂 各三分三厘

右攪勻含嚥任意

又方

接骨木花舍利別 十二錢

焰硝錠 二錢

燒酒 十六錢

右和勻漱之服之

治咽喉赤爛炊痛熱腫

紫蘆葉 一握

接骨木花 半握

石榴皮 四錢

右水煎去滓取二百四十錢加燒酒三十二錢膽礬精三分

五厘薔薇花蜜十六錢攪勻含漱之又施次水銃方其方

接骨木花煎汁 十二錢

白蜜 八錢

焰硝錠 二錢

殺律亞律沒牟亞失精 二十滴

右攪勻以水銃射咽喉中

又方

白芥子 製如食用

右一味和大麥煎汁含漱之

又方

薔薇花蜜 十六錢

膽礬精

硫黃精 各五滴

右和勻以雞翎塗患處

又方

土青木香

蚕休

蜀葵根

罌粟殼

接骨木花 各四錢

右水煎濾過和枯礬末二錢焰硝末一錢含漱之

又方

○咽喉腫痛

滾湯 百二十四錢

燒酒 三十二錢

龍腦 一錢烏末

殺律亞律没年亞失精 二十滴

右件攪勻含漱之

又方

大麥煎汁 二十錢

白蜜 十錢

醋 八錢

右和勻含漱之

又方

焰硝 二錢烏末

白蜜 八錢

水 四十八錢

右攪勻每々含漱之

又方

接骨木花

月季花 各四錢

右水煎一二沸去滓和焰硝末一錢漱之

又方

新汲水和白膽礬末少許每時漱之

治咽喉腫痛懸壅赤爛齒齦生小泡妨吞下

接骨木花煎汁 四十八錢

薔薇花蜜 八錢

食鹽精 三錢

右攪勻漱之

又方

接骨木花煎汁 四十八錢

車前草露水 十二錢

燒酒 八錢

殺律亞律没年亞失 一錢

右攪勻含漱之

又方

接骨木花煎汁 二十四錢
薔薇花蜜

燒酒 各十二錢

右攪勻含漱之

又方

膽八樹油 八錢
鹿角精 二錢

右和勻塗首頸

又方

發泡膏貼首頸引降劑貼足心尤妙

醒京健 外邪一種漢土稱頭嘔之類是也

醒京健有二證所謂熱與寒也熱也者頭面赤色頭痛如裂首
頸腫痛耳痛眼痛鼻流濁涕口內腫痛大渴引飲全身煩熱時
發赤疹其脈洪數是因鹹液帶辛味流注於細絡支別小機栗
律也又寒也者面色灰白口多粘唾頭輕痛重不欲飲水其脈
微弱尿色灰白是因鹹液粘稠為留滯也

治醒京健耳痛眼痛首頸腫痛全身發赤疹者之方

車前草露水 二十四錢
薔薇花露水 十二錢

枸櫞舍利別 六錢
膽礬精 十五滴

右攪和飲服

又方

白芷 十二錢 芸香 杜松子 各四錢

紫蘇葉 枸櫞皮 各二錢

右件剉醋浸一夜以蒸露罐取露水飲服

又方

黑泥灼的里亞加以白芷根煎汁飲下得發汗便安

治寒醒京健口多粘唾者之方

接骨木花煎汁 十二錢 人乳汁 四錢

泊夫藍 一錢為末

右調和飲下

又方

接骨木花露水 十六錢 沒藥 為末 鹿角屑 為末

沃君栗曠吉栗 為末各二錢 接骨木嫩葉煎汁 八錢

右攪勻飲下

治醒京健咳嗽聲啞不出

石長生舍利別 四錢 罌粟殼舍利別 三錢

蜀葵根舍利別 巴且杏汁 若無則代以杏仁汁 各一錢

甘草糕 一錢

右和勻白湯送下

又方

莖莖菜花并葉作舍利別白湯送下

治首頸腫痛或關節痛外用方

龍腦 三錢 燒酒 三十二錢

右入硝子壺引出藥氣搽患處

又方

發泡膏貼首頸又施誘嚏法尤效

感冒

感冒者惡寒發熱頭痛身體痠疼眼淚流出鼻流清涕面頰強而如附糊咽喉不利咳嗽聲啞口失滋味

治感冒惡寒發熱頭痛身疼

白芷根 八錢

罌粟殼 四錢

杜松子

紫蘇葉 各二錢

右水煎一二沸瀉過飲服爾後以衣被蓋審得發汗而安

治感冒發熱兼咳嗽者之方

白芷根 六錢

茴香 三錢

生姜

土青木香 各二錢

右水煎溫服

治惡寒發熱無汗口苦不欲食煩躁心下痞滿

茵陳嫩莖 香橙皮各四錢 龍膽 良姜各二錢

右剉水煎去滓溫服

治感冒咳嗽

生姜 茴香各八錢 砂糖四錢

右水煎溫服

又方

罌粟殼杵搗絞去滓作舍利別白湯送下

治咳嗽聲啞不出

葶藶菜作舍利別以茴香露水飲下

又方

甘草八錢 酒石鹽四錢

右二味滾湯浸一宿瀝過去滓和罌粟殼舍利別十錢白湯
嚥下

喘急

喘急有二證所謂自發也來發也自發也者謂血中鹹液為粘稠凝結于肺藏及氣管以難吐出也來發也者謂因胃府膨脹子宮衝逆及虛寒病風氣病腸間膜閉而發喘急也又有濕與乾之別須察其證以施治矣

濕喘則其證輕易治乾喘則反之

不弁濕與乾自發者可知終身不能斷根矣

濕喘吐痰忽止呼吸促迫者死在旦夕矣

乾喘吐出痰唾者吉兆也

來發證不至積月者易治延纏歷久者難治

豐腴多脂或閑坐安逸之人易發喘急

寒冷多濕之時必發喘急

胸脇痛肺藏炊痛兼發喘急者死在旦夕矣

水腫發喘鳴者惡候也

喘急小便通利過多者不日復故之徵也

小兒喘急氣息不利者死在旦夕矣

小兒初生聲啞不出者是因肺管室塞及年長必發喘急

小兒胎毒發滿頭者及年長必發喘急

小兒患疥瘡之後多易發喘急

小兒喘急小便不利者將至危急之候也

治喘急咳嗽歷久不止胸間多粘痰

杜松子 八錢

大麥煎汁 六十四錢

右件煎漉過和石蜜四錢飲之

又方

土青木香

白芷

乳香 各四錢

泊夫藍

龍腦 各一錢

右搗羅為散，茴香油三十滴，甘草煎汁隨宜攪勻，作錠，白湯送下。咳甚者加阿片少許亦可。

又方

甘草 八錢

生姜

白芷

各四錢

茴香

防風子 各三錢

白蜜 九十六錢 去沫

右入砂鍋內，文火煮布漉，和茴香油三分三厘，白湯送下。

又方

安息香花 八錢

篤耨香 四錢

右入鍋內文火煮至赤色為度下火為丸以葡萄酒化下

又方

麒麟竭

安息香花 各二錢

洎夫藍

阿片 各一錢

燒酒 九十六錢

右件俱入壺內密封浸置去滓飲下每服二十滴

又方

安息香花 二十錢

燒酒 九十六錢

右入壺內固封烈日中曝之引出藥氣飲下

又方

月桂實一味搗羅為散以欬冬葉煎汁飲服

又方

乳香一味為散和白蜜白湯送下渾身發疹為良兆

又方

石鹼一味和入乳汁飲下

又方

乾葡萄 三十二錢

生姜 十錢

燒酒 九十六錢

右入磁器內浸置布漉和砂糖飲下小兒則以葡萄酒服之亦可

又方

椰子油 二十錢

萱萱菜舍利別 十二錢

右和勻白湯送下

治喘急咳嗽氣息不利胸間室塞

欬冬葉

罌粟殼

茴香 各三錢

蜀葵根

亞臘邨藥均

砂糖 各二錢

甘草 一錢

右水煎漉過和太麥煎汁三分之一飲服

又方

白蜜

甘草 各十六錢

酒石鹽 八錢

安息香花

阿片 各一錢

龍腦 五分

茴香油 二十四滴

燒酒 九十六錢

先取甘草酒石鹽燒酒半分浸置又龍腦阿片和餘燒酒煎藥俱攪布漉去滓以餘藥和勻入硝子壺內密封每時旋轉得所飲下

又方

蘆薈

噎福栗醋

大黃 各四錢

右為末糊丸白湯送下

又方

大麥煎汁 二十八錢

洎夫藍 一錢為末

砂糖 四錢

右攪勻飲下

又方

煙草葉

欬冬葉 各十錢

右剉水煎漉過加砂糖等分徐徐煎熬作舍利別飲下

又方

泊夫藍一味為散以葡萄酒送下又加麝香一分六厘温酒服之亦可

又方

杜松子 茴香 獨活各四錢

右水煎漉過飲服

又方

石菖根 十六錢 甘草 八錢

右水煎漉過飲服

又方

蜈蚣上好酒浸置杵爛絞去滓飲下又加阿片少許白湯服之亦可

治喘急水腫小便不利

細辛 八錢

右一味細剉以酒四十六錢煎去滓飲服

治喘急乾咳氣息不利

薤白根 細截杵爛 十六錢 牛酪 十二錢 雞子黃 三箇

砂糖 八錢

右件煮如舍利別飲下肉豆蔻之大

又方

地黃 十六錢 精大麥 一握 砂糖 三十二錢

右件水九十六錢煎減三分之一為度漉過去滓加白蜜三

十二錢硫黃花八錢再上火攪勻和雞子黃三箇作舍利別

白湯嚥下

又方

無花果三顆細剉燒酒浸置去滓飲下

又方

生姜杵爛絞去滓和砂糖又白蜜飲下

咳嗽

咳嗽有乾濕二證所謂乾也者咳無吐粘痰聲啞不出口燥喉痒無熱飲食如故濕也者咳吐粘痰鼻塞聲重時々發熱喉間常有腥氣又虛勞肺病醒寤病發咳嗽者須於各門求之治乾咳短氣喉痒胸間室塞

蜀葵根

薔薇花 各八錢

砂糖 三十二錢

又方

右水煎瀉過去滓以文火煎熬作舍利別白湯送下

蜀葵根

甘草 各十六錢

罌粟殼 十二錢

又方

右水煎瀉過加砂糖九十六錢煎熬作舍利別白湯送下

無花果 蜀葵根 各三錢 石長生

甘草 各二錢 葡萄 大棗 各一錢

砂糖 十二錢

右水煎濃過和太麥煎汁等分飲服

又方

蘿蔔杵爛絞去滓和砂糖等分飲下又蔓菁水煮杵搗如泥

和砂糖等分飲下

治濕咳吐粘痰胸間窒塞

欬冬葉 八錢

蜀葵根 六錢

甘草 四錢

胡麻人 三錢

右水煎濃過飲服



又方

次君栗曠吉栗

安息香花

沒藥 各一錢

琥珀 七分

阿片 七分

右為散白湯點服

又方

小茴香微炒為末和砂糖等分飲下

又方

松脂為末以蜀葵根舍利別和勻白湯送下

又方

菖蒲根為散以白蜜和勻白湯送下

又方

柯楸細剉水煮候熟杵搗如泥和砂糖等分白湯送下

治咳嗽不止粘痰雜血肩背引痛

蜀葵根

枸杞子

罌粟殼各四錢

甘草

砂糖各二錢

右水煎漉過飲服

又方

茴香 四錢

硫黃花

乳香 各二錢

甘草 一錢

右為散以白蜜和勻文火煮稀稠得宜以雞卵二箇砂糖八錢攪和白湯飲下

治咳嗽胸間窒塞

無花果 八顆

葡萄 半握

茴香 四錢

耳草 三錢

石長生 二錢

右水煎減三分之一為度漉過飲服

又方

生姜

茴香 各八錢

砂糖 四錢

杏仁 三錢

右水煎漉過飲服

又方

生姜 四錢

茴香

耳草 各三錢

蒔蘿 二錢

右件以太麥煎汁六十四錢煎漉過去滓和砂糖八錢飲下
治咳嗽肺病祛除粘痰退淋痛利小便

蜀葵根

天門冬

赤小豆

耳草 各八錢

石長生

錦葵葉 各一握

地榆 四錢

右水煎漉過和砂糖九十六錢文火徐徐煮稀稠得所白湯送下

又方

甘草九十六錢 水隨宜

右煎漉過去滓加亞臘^ア榔^ラ藥^ヒ均末五十錢砂糖百二十四錢攪勻再上火煮和雞卵三四箇飲下

治咳嗽吐血止痛催睡且治疝氣腹痛

罌粟殼 五十顆

右杵搗以水二百三十二錢煎至半分為度布漉去滓和砂糖百錢文火徐徐煎熬作舍利別白湯送下

治咳嗽短氣去粘痰止諸痛

安息香花 八錢 阿片 一錢

右入壺內投燒酒九十六錢固封浸置飲下

咳嗽喘急因多血風氣者此方主之

香橙皮 十二錢 石菖根 土青木香 獨活

茴香 月桂實 各四錢 杜松子 六錢

右件入磁器內燒酒浸置一宿以蒸露罐取露水飲服

咳嗽喘急兼浮腫者此方主之

肉桂露水 十六錢 生姜公設律弗 八錢

博麻沃沒篤根舍利別 十錢

右和勻飲下

博麻沃沒篤根舍利別方 博麻沃沒篤根八十錢細剉醋二百錢浸置二日布漉加砂糖三百錢攪勻煎熬作舍利別

咳嗽因飽食者此方主之食已忽爾咳而吐食之證是也是粘液固着喉頭即得溫而融解故也

蘆薈 沒藥 各四錢 良姜 酒石鹽 各二錢

右為散以薄荷露水攪勻飲服小兒則加砂糖亦可

治小兒咳嗽久不止

生姜切為小片酒浸一宿漉過去滓和砂糖飲下後施浴

脚法尤効

又方

海大藍 二錢

右一味水煎一二沸漉過飲下

又外用方

牛酪 四錢 肉豆蔻油 一分七厘

茴香油 十滴

右攪勻塗胸上

胸脇痛

附肺藏燥痛

胸脇痛者脇肋筋膜疼痛引干呼吸其痛有發于左者有發于右者又有刺痛發于一處者有發于數處而移動者其為證也咳嗽喘鳴惡寒發熱其脉細數氣息奄奄不利又有肺藏燥痛者大率雖不異于胸脇痛然其證尤劇呼吸促迫心中懊懣煩躁譫語胸膈滿脹坐臥不安壯熱如燒其痛引于肩脚缺盆口渴引飲舌燥不能言

胸脇痛呼吸安穩者輕易治呼吸促迫者重難治
胸脇痛晝則輕夜則重

胸脇發痛之後不過四日而吐出痰唾者吉兆也吐出愈早則愈吉

胸脇痛初起發衄血者吉兆也

胸脇痛其痛散放屁者不日可治之兆也

胸脇痛初有熱而發痛者輕易治又無熱而發痛者重難治

胸脇痛發耳後腫者不日可治之兆也

胸脇痛肺藏焮痛不吐痰唾者小便通利甚多

胸脇痛惡寒振慄其脉微小津々冷汗出發譫語者死在頃刻

矣

胸脇痛乾咳不吐痰唾者雖必非死證可知險重也

血實強壯或勞力作強之人患胸脇痛或肺藏焮痛則死在旦

夕矣虛怯脆弱之人反之免危急

胸脇痛瘥之後再發微熱乾咳者變成虛勞肺癰之候也

胸脇痛肺藏焮痛粘痰窒塞喉間不能吐出澀々有聲淹纏累日者必死

施刺絡之後間有發胸脇痛及肺藏焮痛者

胸脇痛肺藏焮痛吐痰雜血者勿必施刺絡

刺絡所瀉之血過半時凝結為片其色赤且上面浮黃汁者尋

向康復之兆也又反之其血生微不凝結如沙礫其色淡綠且

上面結黃薄皮者以漸向惡之兆也

治胸脇痛壯熱煩渴咳嗽

車前草露水 十六錢

薔薇花露水 八錢

荳蔻茶舍利別

罌粟殼舍利別 各二錢

焰硝錠 一錢五分

右攪勻飲下每服丁匕

又方

大麥 十二錢

薔薇花 八錢

砂糖 四錢

右水煎漉過加焰硝末二錢沃君栗曠吉栗末丁錢攪勻飲下

治胸脇痛咳嗽吐血

蜀葵根 舍利別

罌粟殼 舍利別 各四錢

荳々菜 舍利別 各二錢

右和勻白湯送下

又方

鹿角屑

沒藥

硫黃花 各二錢

龍腦

辰砂 各七分

右爲散白湯送下

治胸脇痛咳嗽喘急壯熱不食

蜀葵根

茴香 各四錢

甘草 二錢

右水煎漉過加焰硝末亞臘邲藥均末各二錢攪勻飲下

又方

罌粟殼 四錢

砂糖 二錢

右水煎丁二沸漉過飲服

又方

精大麥 八錢

款冬葉 二握

月季花 三錢

甘草 二錢

水 百二十四錢

醫方集要 卷二

○胸脇痛 脾藏炊痛

三十一

右煎去滓和焰硝錠二錢飲服

又方

酥仁 二錢 杵爛 精大麥 二十四錢 砂糖 二十四錢

右水煎瀝過去滓飲服

治胸脇痛去粘稠液

野羊血 次君栗 曠吉栗 爲末各二錢

右和勻飲下

又方

大麥 麻仁 各八錢 雞糞 馬糞 各二錢

右件水二百三十二錢煎瀝過和焰硝末二錢飲下

又方

其巴且杏油 莖々茶舍利別

石長生舍利別 各四錢

右和勻白湯送下

又方

月季花并葉 三握

右一味水煎取百二十八錢瀝過和砂糖五十錢文火再煮

作舍利別飲下

治胸脇痛裏熱如燒煩躁苦悶

甜瓜子 南瓜子 罌粟子 各五錢

右水煎瀝過去滓加大麥煎汁二十四錢薔薇花露水十二錢薔薇花舍利別六錢巴且杏油三錢攪勻飲下日六七次

治胸脇痛口舌乾燥聲啞不出且腎痛小便淋瀝

荳蔻菜嫩葉 二十錢 榘梲實 蜀葵子 各五錢

砂糖 四錢

右四味以太麥煎汁九十六錢煮布漉去滓再上火徐徐煎熬作舍利別白湯送下

治胸脇痛便秘腹滿

蜀葵根 八錢 蜀葵葉 半握 甘草 四錢

大黃 旋奈葉 各二錢

右水煎漉過和太麥煎汁六十四錢飲服

治胸脇痛肺藏焮痛不可忍氣息困難

阿片 龍腦 各一錢 辰砂 二錢

右為散以茴香露水飲服

又方

野猪牙 為末 鮫魚頸骨 陰乾為末 龍腦 七分為末

阿片 五分為末 鹿角精 十滴 葡萄酒 二十四錢

右攪勻飲下

又方

亞麻人油 三十二錢 野猪牙 一錢為末

右和勻嚥下

治胸脇痛肺藏焮痛咽喉不利咳嗽聲啞不出

大麥煎汁 百二十八錢 荳蔻菜舍利別 二十四錢

膽礬精 十滴

右攪勻每服一匕

又方

精大麥 十六錢

鹿角屑 十二錢

乾葡萄 八錢

甘草 四錢

右水煎漉過去滓飲服

治胸脇痛肺藏焮痛咳嗽煩熱口渴引飲

薔薇花 舍利別 二十四錢

焰硝錠 二錢

右和勻白湯送下

又方

白蜜 九十六錢

醋 四十八錢

右攪勻慢火徐徐煮取去浮沫作舍利別白湯送下

治胸脇痛肺藏焮痛精力日衰飲食不進難睡

洎夫藍 一錢 阿片 七分

右為散以茴香露水飲下

治胸脇痛肺藏焮痛外用方

蜀葵根一味細剉以蜜煮布漉塗痛處

又方

亞律諾軟膏 甘巴且杏油 各等分

右和勻塗痛處以牛旁葉或綿布蓋之

又方

月桂實油 八錢

篤耨香 四錢

右和勻塗痛處以綿蓋之

又方

百合油 巴且杏油 牛酪 雞油 各四錢

右和勻塗痛處

又方

茵陳莖 野菊花 各一握 茴香 月季葉 各半握

右件酒煎浸布乘溫敷痛處

又方

蜀葵根 百合根 各八錢 錦葵葉 煙草葉

胡蘆巴 亞麻仁 各四錢

右水煎瀝過取百六十錢和洎夫藍末一分七厘浸布乘溫

蒸痛處

治胸脇痛肺藏炊痛便秘水銃方

大麥煎汁 三十二錢 白蜜 十六錢 焰硝 二錢為末

右和勻以水銃射直腸

又方

大麥 三十二錢 茴香 十六錢

右水煎瀝過和食鹽少許以水銃射直腸

凡胸脇痛肺藏炊痛氣息困難者發泡膏貼痛處取去汚液尤

効

心跳動

心跳動者心藏鼓搏異常短氣不寐行步艱難飲食如故患人固知其跳動傍人亦視其動者干衣表至其甚則跳動之音聞傍人此證有自發者有夾發者有休止間發者

心跳動自發者難治挾發者休止間發者易治

心跳動多因心瘤或動脈腫無呼吸促迫者必變成水腫之候也

心跳動其脈微弱者將發卒中風之候也

少壯之人易發此證年高者患之幾希

心跳動因心瘤動脈腫癰腫及諸般創傷者不治

心跳動雖必非死證不可輕忽焉何則有卒然發變證遂至危

急者

酷烈諸病愈之後發心跳動吐膽汁者可知至危急也

心跳動劇發者勿輕用峻下劑

勞力作強或色慾過度或劇怒暴恚之人必發此證

鎮止心跳動治短氣不寐

香橙皮露水

藿香露水 各三十二錢

琥珀油 七滴

右攪和飲服

又方

山歸來 十六錢

白芷 月桂實 各三錢

噎福栗酷 四錢

防風 香橙皮 各二錢

旋奈葉 七錢

爆君貨篤 八錢我邦無產代以槐木

右水煎漉過飲服

又方

芍藥根公設律弗

楳梲公設律弗 各十六錢

罌粟殼舍利別

薔薇花舍利別 各八錢

右和勻白湯飲下

又方

阿片為最要之劑罌粟殼亦得

鎮止心跳動壯神氣溫子宮

肉桂 三十二錢

燒酒 九十六錢

右入硝子壺內密封置溫處引出藥氣去滓飲服

又方

辰砂 二錢 爲末

肉桂露水 九十六錢

砂糖 二十錢

右攪勻飲下

心跳動因多血粘液閉塞者此方主之

焰硝 十錢

辰砂 二錢

右搗羅爲散白湯點服

乳

乳汁稀薄者因血中水液過多或乳脉精力不足此方主之

亞臘邨藥均

茸草

砂糖 各四錢

右搗篩爲散白湯送下

減却乳汁過泄之方

車前草一味杵搗絞去滓塗乳及胸

遏止乳汁之方

水銀納鵝管須搭乳房

又方

牛酪和燒酒傳乳房以綠紙罨之乾則復塗之

乳汁帶腐壞而利者因酸收液及黑膽汁也內則用沃君栗曠

吉栗鹿角屑之類外則胡麻人水煮杵爛如泥傳乳房
產後乳房焮痛赤腫振寒壯熱口渴引飲者名之謂乳熱用次
君栗曠吉栗鹿角屑象牙沒藥茵陳鹽之類
治乳房結腫焮痛赤腫

煙草 惣形

右一味杵搗和燒酒如膏塗患處

又方

野菊花 煙草葉 茴香 罌粟殼 各四錢

右水煎瀉過加酒三分之一攪和乘溫蒸漏患處

治乳頭破裂腫痛

亞臘邨藥均 一錢 鉛白砂 三分三厘

薔薇花露水 十六錢

右攪勻塗之

又方

雞卵油塗瘡口又雞子白和沒藥末少許傳之

勞瘵

附肺病

勞瘵有二因所謂自發也夾發也其因雖異其證也同午前則
 顏色灰白午後則頰顴赤色寒熱往來肌肉消削頭痛眩暈口
 燥煩渴津唾粘稠或鹹或苦或甘不斷吐白沫常嗜清涼之物
 咳嗽短氣心下痞鞭腹滿癢痛大便或下小便赤濁或如油自
 汗盜汗五心煩熱其脉細數

平且多吐痰唾投之水中沉底者惡候也

面無滑澤皮無滋潤骨立消削眼自深陷者死期不遠矣

勞瘵初起大便多秘爾後滑利雜泡沫帶惡臭自汗盜汗足躄

浮腫口生小泡者死期不遠矣

咽喉乾燥飲食不進壯熱眩暈昏迷者將至危急之兆也

漩面見鉛色雲漸降中間者勞瘵之候也

小便鉛色者瀕死

小便浮油点者元陽日衰肌肉消削之兆也

唾沫苦或甘或雜膿且痰沫為鉛色投之火中發惡臭者尋向

死之兆也

治勞瘵咳嗽煩熱自汗

硫黃花 八錢 薔薇花 舍利別 二十四錢

右調和白湯送下

又方

山歸來 八錢 白檀 各三錢 蚕休 各三錢

右水煎下二沸濾過飲服

又方

硫黃精 十滴 焰硝錠 二錢 為末

沃君栗 曠吉栗 一錢 為末 薔薇花 舍利別

蜀葵根 舍利別 各八錢

右和勻白湯送下

又方

硫黃花 二錢 為末 雞卵 一箇 砂糖 四錢

右和白蜜稀稠得所白湯送下

治勞瘵肺病咳嗽短氣寒熱往來

硫黃精 茴香油 各五滴 焰硝 一錢 為末

篤繹香 二錢

右和勻以酒或蜜水送下每服自十滴至二十滴

又方

硫黃花 八錢為末

苗香露水 九十六錢

右件入壺內置溫處硫黃花溶化為度飲服

又方

硫黃花二錢以水二十四錢煮溶化布漉和砂糖六錢再上

火作舍利別白湯送下

又方

取牛肺截為小片加石蜜等分水少許入沙鍋內文火煮布漉去滓白湯送下肉豆蔻之大

又方

兔兒尾 二握

連錢草 一握

地黄

款冬葉

葶麻 各半握

土青木香 四錢

甘草 八錢

右剉水煎瀝過飲服

又方

兔兒尾 二握

連錢草

款冬葉

地黄

牛膝 各半握

莖々菜花 二錢

右件剉水四百錢煎減半為度布漉去滓加砂糖九十六錢

再上火作舍利別和雞卵四箇白湯送下

治虛勞肺病咳嗽吐血

月季葉 百錢

右下味石臼內杵搗如泥和砂糖二百錢末火徐徐煮稀稠

得所白湯送下

又方

耳巴且杏油 八錢

石長生舍利別

莖々菜舍利別 各四錢

砂糖 二錢

右和勻白湯飲下

又方

篤耨香 四錢

拔律殺沒酷把し巴 一錢

耳草 二錢為末

右攪勻為丸以太麥煎汁嚥下

又方

胭脂草油 九十六錢

篤耨香 二十四錢

麒麟竭 十二錢為末

赤石脂 八錢為末

洎夫藍 二錢為末

右件先將篤耨香麒麟竭二味俱和微火煮次入胭脂草油赤石脂溶化下火候冷和洎夫藍白湯送下

又方

牛酪和砂糖微火煮白湯送下又雞卵和砂糖嚥下亦得治勞瘵肺病肌肉消削盜汗不止

山歸來 三七草根

蒲公英

地榆 各三錢

欬冬葉 一握

野菊花 半握

土青木香 二錢

右水煎濾過飲服

又方

薔薇花舍利別 二十錢

香橙舍利別 十錢

山歸來 八錢為末

右調和白湯送下

又方

馬鞭草一味為散白湯送下每服一錢

又方

山歸來 十錢

牛旁根 五錢

乾葡萄 二錢

甘草 一錢

右水煎漉過飲服

治勞瘵肺病止咳嗽去粘液

石長生 四十八錢

甘草 十六錢

右件水三百五十錢煎減半為度布漉去滓加砂糖九十六錢再上火作舍利別白湯飲下

又方

薔薇花露水 九十六錢

焰硝 三錢為末

硫黃花 二錢為末

右攪勻飲下

又方

欬冬葉

錦葵葉 各一握

蜀葵根

甘草 各八錢

右四味水二百四十八錢煎漉過去滓飲服

又方

蜀葵根舍利別 四錢

沃君栗曠吉栗 二錢為末

焰硝 為末 硫黃花 各一錢 薔薇花公設律弗 六錢

右攪勻白湯送下

治勞瘵寒熱往來自汗盜汗下利

石灰百錢以水八百錢浸置取灰汁紙漉壺內貯每服三十

錢日五六次又加砂糖少許亦可

治勞瘵肺病咳嗽

拔律殺沒醋把乙巴和雞卵噉下

治勞瘵肺癰吐血吐膿去粘液止咳嗽

沃君栗曠吉栗 為末

酒石鹽 各二錢為末

香橙自然汁 四十八錢

右和勻白湯飲下

又方

鹿角屑 象牙屑 各三十錢

右二味以水二百二十四錢煎減半為度布漉去滓再上火

徐徐煎熬稀稠得所白湯送下

又方

菖蒲根搗羅為散以砂糖調和白湯送下

又方

篤耨香 四錢 乳香 為末 沒藥 為末

琥珀 各二錢為末 地黃 三錢為末

右為丸以甘草末為衣白湯化下

又方

乳香 沒藥 地黃 鹿角屑 各三錢

蘇合香 一錢

右為散白湯送下

勞瘵肺癰因癥毒疥癬者此方主之

山歸來 地榆 各四錢 地錦苗 土青木香 各二錢

右水煎下二沸瀝過飲服

又方

燕麥煎汁 十錢 葛苳汁 五錢 焰硝精 三滴

右攪勻飲下

治勞瘵肺病取馬乳汁嚥下大效

吐血

吐血之證其因多端有因肺管血脉之破綻而來者又有因胃中絡脉之破綻而來者又有因頭腦創傷而來者又有婦人因經閉而來者須究其所由也

吐血自肺管而來者其血浮泡沫其色鮮紅咳嗽短氣心中懊懣間日多吐出

吐血自胃中而來者無咳發嘔其所出之血過多其色恰如刺絡所瀉之血又有胃絡破綻其血久留胃中為凝結者其色黑或黯色也

吐血自頭腦創傷而來者是頭中汚血下陷而注胃以吐出惡露留滯或經水不來者多吐血是妄行錯經注胃以吐出

吐血因肺管破綻者此方主之

罌粟殼 舍利別 十錢

蜀葵根 舍利別 五錢

甘草 三錢 爲末

右調和白湯送下

又方

乳香 二錢

洎夫藍 一錢

龍腦

阿片 各七分

右爲散白湯點服

又方

亞臘必藥均爲散以車前草露水或薔薇花露水飲下

又方

月季葉 八錢

膽礬精 二十滴

滾湯 二百錢

右入磁器內浸置絞去滓和砂糖十六錢飲下

又方

月季葉杵搗絞去滓九十六錢加砂糖四十八錢作舍利別

白湯送下

吐血因胃絡破綻而來者此方主之

赤石脂

沃君栗 曠吉栗

石榴皮

鹿角屑 各二錢

阿片 一錢

右爲散冷水和醋少許攪勻飲下

又方

明礬 二錢 爲末

薔薇花 舍利別 十六錢

香橙皮 舍利別 八錢

右和勻白湯飲下

又方

車前草葉并根 二握

右剉以大麥煎汁或酒煎取百二十錢和砂糖飲下

又方

明礬 阿仙藥 砂糖 各四錢

右為散白湯送下

又方

吉納吉納一味水煎瀘過飲服又加大黃末少許服亦得

又方

地黃 罌粟殼 各二錢 麒麟竭 一錢

龍腦 五分 赤珊瑚 三分

右搗篩為散以車前草薔薇花露水飲下每服七分

吐血因頭腦創傷而來者此方主之

乳香 沒藥 沃君栗曠吉栗 各二錢

右為散白湯送下每服一錢

又方

篤耨香油 琥珀油 各十滴

右和勻以車前草露水飲下

又方

車前草露水 薔薇花露水 各三十二錢

麒麟竭 為末 赤石脂 各二錢為末 阿片 一錢

罌粟殼舍利別 十二錢

右攪和飲下

吐血因經閉而來者此方主之

鐵粉 八錢

鹿角屑

麒麟竭 各四錢

右為散以車前草薔薇花露水飲下

又方

大麥煎汁 九十六錢

薔薇花舍利別 四十八錢

赤石脂 十二錢為末

茴香露水 二十四錢

右攪勻飲下日六七次

又方

琥珀 三十二錢

龍腦 二錢

右二味入壺內投燒酒九十六錢固封置溫處引出藥氣布漉去滓飲下

又方

楳棹一味作舍利別白湯送下

吐血因經水痔血閉塞或勞力作強或撞刺打撲者此方主之

車前草露水

萍蓬花露水 各三十二錢

鹿角屑 三錢為末

鉛白砂 一錢

枸櫞舍利別 十錢

右攪勻飲下

又方

地黄 精大麥 各八錢

月季花 一握

水 百錢

右煎沸瀝過飲服

進飲食和胃氣治心下痞鞅

鬼茉莉根脂 二分 丁香油 三滴

燒酒 二十四錢

右攪和飲下

又方

茵陳莖 龍膽 香橙皮 各六錢

右水煎漉過和砂糖四錢飲服又燒酒浸置丁宿去滓服亦

可

又方

龍膽 三十二錢 香橙皮 二十四錢 肉桂 十六錢

右剉燒酒浸置丁宿布漉去滓飲下

又方

大黃 八錢 蘆薈 六錢 草豆蔻 四錢

燒酒 二百六十四錢

右入壺內浸置丁宿去滓飲下每服八錢

又方

石菖根 百錢 砂糖 二百錢

先取石菖根入水丁升煎減半為度布漉去滓次和砂糖再

上火煎熬作舍利別白湯送下

治粘液填滿胃中飲食不進心下痞鞅

龍膽 茵陳莖 各四錢 肉桂 土青木香

胡荽子 茴香 各二錢 香橙皮 三錢

右伴燒酒浸丁宿布漉去滓飲下

又方

龍膽 各八錢 草蓼 二錢 燒酒 百錢

右入壺內密封引出藥氣去滓飲服

又方

良姜 茴香 肉桂 各四錢 肉桂 三錢

酒石鹽 二錢 旋奈葉 六錢

右搗篩為散白湯送下又以薔薇花露水送下亦可

又方

旋奈葉 十二錢 杜松子 六錢 生姜

酒石鹽 各三錢

右為散白湯送下

進飲食和胃氣助消化治惡寒發熱

茵陳莖 六十四錢 龍膽 草豆蔻 各八錢

香橙皮 十六錢 胡荽子 四錢 燒酒 隨宜

右浸置以蒸露罐取露水飲服

又方

肉桂 八錢 草豆蔻 四錢 生姜 二錢

右為散和白蜜白湯送下

本方加鐵粉四錢治黃疸

本方加蘆薈末三錢有下利之功

本方加阿片二分龍腦一分鹿角精十五滴發汗之功與的

里亞加不異

又方

肉豆蔻 八錢 肉桂 四錢 砂糖 三錢
右搗羅為散白湯送下

又方

肉桂 生薑 肉豆蔻 各四錢 胡荽子
茴香 乳香 各二錢 砂糖 三錢

右搗羅為散温酒又白湯送下

治胃虛不食頭旋眩暈驅散粘液風氣

肉桂 八錢 肉豆蔻 四錢 丁香 香橙皮 各二錢

洎夫藍 一錢

右為粗末入壺內投燒酒百二十四錢固封置熱灰上引出

藥氣滯過去滓飲服

又方

蘆薈 良姜 各二錢 沒藥 一錢 茵陳鹽 七分

右為散以藿香露水飲下

又方

石鹼 二錢 沒藥 一錢 乳香 旋花子 各五分

右為散糊丸以藿香露水化下每服十九

進飲食和胃氣散風氣治子宮上衝脾病

胡荽子 十二錢 生薑 茴香 各八錢

肉豆蔻 四錢 砂糖 六錢

右搗羅為散温酒送下小兒以乳汁送下

治胃虛飲食難化通月水枝蛇蟲方名安坤筆君坤愕烈年

細辛 沉香 肉桂 苒松香 乳香

洎夫藍 各六錢 蘆薈 八錢

右搗羅爲散除洎夫藍之外和蜜末火微煮候冷加洎夫藍攪勻白湯送下

因酸收液不熟液而胃氣不和者此方主之

沃君栗曠吉栗 牡蠣 各二錢 肉豆蔻 一錢五分

右爲散白湯送下

又方

良姜 茴香 枸櫞皮 沃君栗曠吉栗 各二錢

右搗節爲末白湯點服

又方

諳室瞞閣卜烈室霍 珊瑚 沃君栗曠吉栗

牡蠣 辰砂 各三分三厘 阿片 二分 鐵粉 二錢

右爲散白湯點服

因膽汁腐敗而胃氣不和者此方主之

茵陳舍利別 月季花舍利別 各八錢

膽礬精 五滴 楳梲舍利別 四錢

右調和白湯送下

又方

酸模自然汁 枸櫞自然汁 各十二錢

右攪勻和砂糖十錢飲下

治胃諸病

取茵陳莖百錢以水五百錢浸置煎漉過去滓再上火作舍
利別每服一錢

胃痛

胃痛者心下當胃緊滿痞塞疼痛不可忍無頭眩昏冒嘔吐惡
心口燥引飲

胃痛發熱者惡候也

患痛風其痛退散尋發胃痛者惡候也

患蛇蟲石淋者有劇發胃痛

因腐敗液而有劇發胃痛

因風氣痞滯而有劇發胃痛多無頭眩昏冒

胃痛無頭眩昏冒者將至危急之候也

胃痛太甚搖擲昏冒四支厥冷者命在頃刻矣

胃痛右腳膨腫者死候也

小便綠色微雲懸壺底者胃痛發於吞毒之徵也

漩面偏籠烟霧徐々降壺底者胃痛之候也

治胃痛嘔吐吞酸去腐敗液散風氣殺蟲

茵陳莖 一握

藿香 半握

良姜 菖蒲根

月桂實 各三錢

蘆薈 二錢

沒藥 一錢

泊夫藍 七分

燒酒 二百二十四錢

右入磁器內浸置布漉飲服

因風氣痞滯或飲食不化而發胃痛者此方主之

龍膽 十錢

香橙皮 五錢

土青木香 二錢五分

燒酒 二百二十四錢

右入磁器內浸置布漉去滓飲下冷温任意

因酸收液醋烈液而發胃痛者此方主之

鹿角屑 六十四錢

水 六百錢

右入鍋內煎至三分之一為度布漉去滓加肉桂露水十二

錢砂糖八錢攪勻飲下

胃癰

胃癰者其因多端多因忿怒暴甚或因喫太熱物之後過飲冷水或因過喫冷物或因喫腐壞物或因服吐下峻劑也其證心痛懊懣吞酸口渴裏熱外寒煩躁苦悶

治胃癰炊痛熱腫

葛苴根 八錢

酸模根 四錢

罌粟殼 四顆

右剉水煎至三分之一為度漉過去滓和砂糖四錢飲服

又方

焰硝為散以太麥煎汁飲下

又方

焰硝 一錢為末

龍腦 五分為末

膽礬精 十五滴

右和勻以酸模根煎汁送下

又方

精大麥 無花果 各五錢 葡萄 二錢

甘草 一錢 砂糖 三錢

右水煎漉過飲服

又方

大麥 半握 萬芎根 七錢 龍芽菜

蜀葵根 各三錢

右水煎漉過和砂糖六錢飲服

又方

金剛刺根 八錢 大麥 蜀葵葉 各四錢

甘草 二錢

右水煎漉過飲服

又方

接骨木花露水 九十六錢 焰硝 一錢為末

沃君栗曠吉栗 七分為末 龍腦 五分為末

右攪勻飲下

又方

鹽粟仁煎汁 大麥煎汁 各三十二錢

砂糖 十六錢

右攪勻和焰硝末二錢飲下

消渴

消渴有二證所謂犬飢也牛飢也名犬飢者過飡飲食次后嘔吐下利是也名牛飢者過飡飲食精力日衰肌肉消削眩暈昏冒是也

犬飢者輕易治牛飢者重難治

消渴連綿累月則必變成勞瘵水腫

消渴多無蛇蟲

犬飢者其脉緊數多結促牛飢者其脉沉微少結促

消渴小便稀薄不熟其色白帶酸臭惡臭

治消渴犬牛二證

沃君栗曠吉栗 六錢

砂糖 三錢

右為散白湯送下

又方

枸櫞皮 十錢 薄荷 五錢

右二味剉酒浸一宿濾過去滓飲服

又方

焰硝 一味為散冷水點服

又方

肉桂露水 砂糖 各六十四錢 新汲水 三十二錢

右攪勻飲下

又方

醋 六十四錢 薔薇花露水 三十二錢

右攪勻和砂糖六十四錢以慢火徐々熬作舍利別白湯送下

又方

焰硝 肉桂 茴香 枸櫞皮 各四錢

砂糖 二十四錢

右搗羅為散冷水送下

又方

地黃 十六錢 亞臘藥均 八錢

右水煎去滓取百六十四錢和沃君栗曠吉栗末四錢飲下

治消渴和胃氣去酸液

沃君栗曠吉栗 八錢 鐵粉 四錢 肉豆蔻 二錢

右為散白湯送下

又方

蘆薈 沒藥 鐵粉 各四錢 洎夫藍

龍腦 各一錢

右為散入壺內投燒酒九十六錢固封置溫處引出藥氣去滓飲下

又方

枸櫞汁 三十二錢 砂糖 十二錢

右以文火煎熬作舍利別白湯送下

又方

肉桂露水 薄荷露水 各三十二錢 枸櫞汁 八錢

香橙皮舍利別 六錢 乳香 四錢為末

膽礬精 十滴

右攪勻飲下

又方

月季花舍利別 薄荷露水 各八錢 枸櫞舍利別

梔梔舍利別 各四錢 香橙皮公設律弗 三錢

益智 二錢為末

右攪和飲下

又方

枸櫞粗剉水煮候熟杵搗如泥百四十錢和月季花露水十錢砂糖二十錢飲下

又方

枸櫞自然汁 十二錢

肉桂露水 八錢

覆盆子 舍利別 六錢

新汲水 六十四錢

右攪勻和砂糖二十四錢飲下

嘔吐 惡心 吐逆 吐糞

嘔吐之證有自發者有夾發者其所因胃及食管之支別細絡失下行之度為繚戾牽引故也甚則至腹筋膈膜筋及諸支別亦為繚戾為牽引吐逆飲食乳糜液粘液膽汁酸汁也嘔吐自發者大下利則必止

肩胛疼痛者吐膽汁則其痛隨而退散

不雜諸物唯吐單物者惡候也若兼吐逆搐搦者尤為惡候

吐物純清無雜鉛色帶惡臭者死候也

吐物雜諸色者惡候也

熱病初起吐膽汁雜粘液者吉兆也又吐黑膽汁者死候也

耳聾之人吐黑膽汁則不日復故之兆也

向食惡心膨脹食已即吐者粘液填滿胃中之候也

吐物其色赤兼疼痛者將至危急之候也

嘔吐惡心目發昏花且聲音異常者不日發腦漏之候也

吐物帶惡臭目赤如鳩眼且發搐搦者惡候也

吐膽汁綠汁黑汁口苦者膽汁失下流之度逆濫于胃中之候

也

吐酸汁者因大機栗律汁腐壞而來

嘔吐喉中時作聲者由風氣而來

貪喫飲食即吐者由胃氣衰弱而來

外傷發嘔吐者惡候也

創傷頭腦則必吐膽汁發熱

惡心不能膳者發耳後腫之候也

妊娠之初必發惡心嘔吐

婦人非妊娠數日吐膽汁者圓蛇巢結于胃之兆也

吐糞者因腸痛病及結糞或大腸損傷也

吐糞病之初雜吐膽汁粘液者死候也

冬時必勿用吐劑

胸癰經閉及子宮上逆勞瘵等必不可用吐劑反有大害

治惡心嘔吐吃逆下利去心痛強胃氣

搵梲汁

石榴汁

薔薇花露水

各三十二錢

砂糖

二百二十四錢

右件入沙鍋內煎熬稀稠得所下火候冷加藿香露水五十

錢攪勻再上火徐徐煮作舍利別白湯送下

又方

石榴皮一味作舍利別白湯送下

治嘔吐不止

茵陳舍利別 四錢

香橙皮舍利別 二錢

藿香露水 三十二錢

右和勻白湯送下

由粘液風氣而發嘔吐者此方主之

藿香露水 三十二錢

阿片 三分

右和勻飲下

又方

藿香舍利別

黑泥灼的里亞加 各二錢

肉桂露水 二十錢

阿片 五分

拔律殺沒譬律匪坑 三分

右調和自湯送下

又外用方

肉豆蔻油 一錢

藿香油 三分

右和勻塗心下胃上

又方

黑泥灼的里亞加 二錢

赤石脂 一錢為末

藿香露水 二十四錢

右攪勻攤布帛貼胃上

又方

肉豆蔻 三錢 肉桂 丁香 生姜 各二錢

右為粗末燒酒浸置去滓乘溫塗心下

由胃氣衰弱發嘔吐惡心者此方主之

甘松香 為末 良姜 各二錢 為末 肉桂露水 十六錢

生姜自然汁 八錢

右和勻飲下

治吃逆不止

茴香露水 十六錢 藿香露水 八錢 肉豆蔻油 十滴

右攪勻飲下

又方

娵持筆君持愕烈卒一錢白湯送下 方見不食門

又方

藿香露水 三十六錢 石榴自然汁 十六錢

右攪勻飲下

又方

生姜自然汁 四錢 砂糖 二錢 滾湯 隨宜

右和勻飲下

又方

硫黃 乳香 各四錢 質汗 一錢

右為末酒煮使其蒸氣透徹鼻孔

又方

土青木香一味為末和燒酒白湯送下

吃逆因胃炊痛熱腫者此方主之

焰硝 二錢 龍腦 三分三厘

右為散冷水送下又以龍腦精塗胃上

治吐糞嘔逆

黑泥灼的里亞加 一錢 肉豆蔻油 十滴

右和勻白湯送下

又方

藿香露水 八錢 肉桂露水 四錢 阿片 三分

黑泥灼的里亞加 一錢

右攪勻飲下

吐糞因燥屎者此方主之

鬼茉莉根 二錢 酒石鹽 三錢

右為散白湯送下

吐糞無痛者此方主之

酸模根 精大麥 各八錢 罌粟殼 二顆

水 百三十二錢

右煎漉過去滓和白蜜十錢焰硝末三錢以水銃射腸中

治小兒嘔吐不止

肉豆蔻 丁香 沃君栗 曠吉栗 各一錢

右為散以人乳汁飲下

又方

丁香 一錢

乳香 五分

右為散白湯點服又以酒煎服亦可

又方

草豆蔻

良姜 各三錢

丁香 二錢

泊夫藍 一錢

藿香 一握

茴香露水 百六十四錢

右入壺內固封置溫處攪轉淨所飲下乳婦服之亦可

又方

茴香露水

四十八錢

藿香露水 十六錢

泊夫藍 二錢 燒酒 浸

鹿角精 十五滴

右攪勻飲下

小兒嘔吐因酸收液者此方主之

乳香 一錢

赤珊瑚 五分

右為散以太麥煎汁送下

又方

藿香露水 十六錢

阿片 五分

葡萄酒 二十滴

右和勻飲下

又方

藿香露水和泊夫藍末少許飲下

世

世

世

世

世

世

世

